

www.BibleForChildren.org



JUAN 14



'Tsode to zhgab, tsode to guielnë. Tiblique golgung guic to, zigne dib zdoo to riladz to Dios, scaque dib zdoo to golliladz cho nac naa. Golgona ganle: Zaatne nac lidz Pxoz naa, ndaldoo zaatne cuëz miech no ga, tell niaca mine guiend zaatne cuëz to, nile naaw lo to na.



Gacxe waa, niina laa naa ga, gazhixcuaa naa zaatne cuëz to ga. Ni zeene lozh gzhixcuaa naa zaatne cuëz to, hor co laa naa gbire guial stib, dzigosi laa to sēnal zhits naa; zeeṇa tibaque zaatne gbiaaz ne.



Naa nac bets to Juan, tibaque nac ne niina grë ne,
sac ye naa no xnëz Jesús; ye naa nodeed grë
guiel_në ne noded to. Zigne rneedz me

paciens lo to lëb to lo grëtaa
guiel_në ne no ga_n to,



scaque racnie_n me
naa; ni ye naa gdzi_n
lo me, zaatne no
gdzi_n to.




Sodiidz naa lo to ganle zha bzhaac naa. Lëëtaaque
no naa lo guidzliu win ne lë Patmos, ga ngoguiu
zho naa loxaque ne noseed naa miech

Xtiidz Dios, miñe biaadlu
Jesús zeeñe biaad me lo

guidzliu.




Zigne sca në me, hor co blu Espíritu Sant lo naa, gon
naa laa tib xcan zo gbaa, tib xcan ne rzob meṅ ne
rnabeya. Lo xcan co, ga zob tib meṅ co, masaque
rbebni me zigne rbebni quie ne rnee zho jasp, quie ne
rneegaa zho cornalin.




Horco grēse miech, grēse ma, grēse ncuaaṅe bzaa
Dios, zigtaa gbaaw, zigtagaa lo guidzliuw; zigtaa
zhan guidzliuw, zigtagaa lo nisdoow;
nguiedz zēēb tsi zho, rnee zho:
;Nliw, meṅ ne zob lo xcan ro qui,
ni meṅ ne nac Carner yeen qui,
ible rieguiaḷ dziuunnon ne grop me!



¡Me rnabey, lo me none gnee ne grëtaa diidz
ndzon; nadzew, gzhew, ni grëragaa
izdoo ne ziaadraaw!



Grop lo naa gon naa laa Jerusalén, guiedz ne nacchen Dios ga, ziad-zëëb zhan gbaa brieew zaatne zob me; tib guiedz cuba. Tib guiedz nzhixcuaa naca, pale tib ndzooop nguieg dze ne rtsieelnia zho.




Dzigo bin naa nguiedz zëëb tib tsi meṅ co zaatne nac lo xcan ro ne zo gbaa ga, rnee me: –Nasi nagonṅ laa Dios cuëz lo miech, nasi laa me gbannie zho; zanṅ lo zho me, peet gunfaltraade lo zho.




Blozh ga, blu anjl co tib guiubee lo naa, nē me zha ne
guie nis co, zgaa zho guielmban; mbe roĭ rnaw, haxta
rbebel low. Merse zhan xcan ne zob Dios ni zhan xcan
ne zob meŋ ne nac Carner yeeŋ co, ga rrieē guiubee
co, rdeda groĭtaa nēzyu ne rded leŋ guiedz co.



Led yedraa ga rquiin xbiini ngbidz, rquiin xbiini mēē,
sac masaque xquie_lndzon me, ni xquie_lndzon me_n
ne nac Xcarner yee_n me ga nac biini.




Grëse ncuaane mbe ne gocnon lo grë guiedz ne bre lo guidzliu, laaw gdzin ga; sangue grë ncuaane mbixladz gdzinda ga. Zig nac grë miech ne run grë guielntseeb, grë zha ne tibaque noquidie, gdzind zhow; loxaque zha ne zhoob lë len xlibr men ne nac Carner yeen co (libr ne no lë zha ne ygaa guielmban cub ne gdeed Dios ga), zha cose gdzina.




Led yedraa niina pa glunë zho,
led yedraa niina tsoxtseeb zho lo
guielgut, led yedraa niina mban
gac zho cuedz zho dien cho gun
xyudar zho, led yedraa niina
goon zho; grëse nis ne zo lo zho
zeene biin zho, niina laa me
gunmbew. Grëse ncuaan co,
gdziñdraa dze gañ zhow.




Led yedraa ga no ncuaane ndziibdee, ga zo zhixcan
Dios ni zo zhixcan meñ ne nac Carner yeeñ co; grëse
miech ne ngab lo me, rleynie zho me runnon zho me.
Ranlo zho me, grëse zho quia lë me quia zho.



Grëse zha ne brieeband glo ga, zigtaa zha nona, zigtaa
zha wina, laa zho bdziṅ lo me. Laa zho ndxie ga, zeene
laa lo bla libr co bzhial, ni bzhialaque lo miṅe quia lë
zha ne bgaa guielṁban cub ne rdeed Dios ga; hor co
bgaase zho miṅe rieguialṁ zho tib tib zho
teṁ zha zhobnee lo libr co wban zho. Blozh
ga, zigtaa guielḡuta, zigtaa zha ne
quiad lë leṅ libr ne no lë zha
ne bgaa guielṁban
ga, laa zho biobe lo
guidox ne nac gabilṁ;
lëë guielḡut brop ga.



Zigtaa Espíritu Sant, zigtaa grë zha ne no xnëz me,
zha ne rrieequia gac tsieel me ga, laa zho
quiambëz me; niicle zha ne gacna_nragaa laa me no
guiaad, none yquiambëz zho me.



Zha ne nē r nab zhis, telne gacladz zho zac gbig
zho lo me, me gdeed nis ne rdeed guielmban guie
zho; ygad me nis co lo zho, peet gacnonda.



Sac gon̄ rleȳniedox Dios gr̄ese miech
ne ndxie lo guidzliu; gane niicle tib naa
nac m̄ēed lo me per laa me pxeel̄ naa
lo guidzliu; zeena gr̄ese zha ne gnalo
naa, zgaa zho tib guiel̄mban ne
gdzīnd dze lozh; led yed
zho nitlo.



ROMANOS 3:23 Zigne rne naa ga, grëse ne miech ngoopdoꞵ nac ne lo Dios, ni palal rdzieeld gdziṅ ne lo xquieꞵndzon me.

ROMANOS 6:23 Sac goṅ, zha ne ruṅctal xtoꞵ, lëë gdib miṅe tsieguiaꞵ zho laa zho nitlo; saṅgue zha ne gbig lo Jesús, miṅe ral zdoos Dios ygad me lo zho nac tib guieꞵmban ne gdziṅdraa dze lozh.

HEBREOS 9:27 Zigne biaanṅ tibaque vuilt ret miech, lozh ga zeene laa Dios guṅ guieꞵwxtis, laa zho none gacredz lo me;



EFESIOS 2:8,9 Golgaṅ gaṅle, ne wen me mezhāl noxco
guiaaṅwen miech lo me, gane rsilaa me ne lo doḷ zeene laa
ne riladz Jesús dib zdoo ne; guiabd ne togo por pe
guielwen ne guṅ ne laa me csilaa ne. Ible zdoo me ral
rsilaa me miech,
racda ne por pe guielwen ne guṅ zho; zeena gdaannied
zho guielwen ne ruṅ zho.

ROMANOS 10:9,10 Zha ne cueero guiab zho Jesús nac
meṅ ne rnabey lo xquielmban zho, ni dib zdoo zho gliladz
zho nli bleeban Dios me, dzigo silaa me zho lo grë xtoḷ zho.
Sac none dib zdoo ne gliladz ne, dzigo saṅmbe Dios ne lo
doḷ; ni none cueero ne pe nac miṅe riladz ne, dzigo
scaania me ne.



JUAN 3:16,17 Sac gon rley_niedox Dios grëse miech ne ndxie lo guidzliu; gane niicle tib naa nac mëed lo me per laa me pxeel_ naa lo guidzliu; zeeņa grëse zha ne gnalo naa, zgaa zho tib guiel_mban ne gdziņd dze lozh; led yed zho nitlo.

Laa Dios pxeel_ naa lo guidzliu par csilaa naa miech lo dol_ ziald naa par gdziibdol_ naa miech.

1 JUAN 5:11-13 Laa me bneele ganle: zha ne gnalo Xpëed me, zgaa zho tib guiel_mban ndzon ne gdziņd dze lozh; sac Xpëedse me rdeed guiel_mban co.

Gacxe waa, zha ne rnalo Xpëed me, laa zho bgaale guiel_mban ndzon co; saņgue zha ne rnalod Xpëed me, gard ygaa zhow.

To ne nac to zha ne rnalole Xpëed Dios, laa naa rzet miņ_ rii lo to zeeņa gacnaņ_ to ganle laa to bgaale guiel_mban ne gdziņdraa dze lozh ga.



JUAN 14; 2 CORINTIOS 5;
APOCALIPSIS 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Zapotec Mixtepec NT (zpm) © 1998, Wycliffe Bible
Translators, Inc. All rights reserved.

<https://live.bible.is/bible/ZPMTBL/MAT/1>

©2025 Bible for Children, Inc.

www.M1914.org

www.bibleforchildren.org

